

მწვანე ალტერნატივას კომენტარები და შენიშვნები



გარემოსდაცვითი და სოციალური
სამართლიანობისთვის

ახალქალაქის მუნიციპალიტეტში, სოფ. მოდეგას მიმდებარე ტერიტორიაზე
20701700 მ3 სასარგებლო წიაღისეულის (ვულკანური წიღის) მოპოვების
პროექტის სკრინინგის განცხადებაზე

6 თებერვალი, 2020

2020 წლის 3 თებერვალს ნომბერს საქართველოს გარემოს დაცვისა და
სოფლის მეურნეობის სამინისტროს ვებ-გვერდზე [გამოქვეყნდა განცხადება](#)
ახალქალაქის მუნიციპალიტეტში, სოფ. მოდეგას მიმდებარე ტერიტორიაზე
20701700 მ3 სასარგებლო წიაღისეულის (ვულკანური წიღის) მოპოვების
პროექტის სკრინინგის გადანყვეტილებისათვის ადმინისტრაციული წარმოების
დანყვების შესახებ.

პროექტი უნდა დაექვემდებაროს გარემოზე ზემოქმედების შეფასებას შემდეგი
გარემოებების გამო:

1. კომენტარებისათვის გამოქვეყნებული წიაღის ეროვნული სააგენტოს
სკრინინგის განცხადებაში არ არის წარმოდგენილი გარემოსდაცვითი შეფასების
კოდექსის მე-7 მუხლის მე-4 ნაწილით¹ გათვალისწინებული ინფორმაცია.
კერძოდ, არ არის მოცემული გადანყვეტილების მიღებისათვის მთავარი
მახასიათებლის - **შესაძლო ზემოქმედების ხასიათის შესახებ** ინფორმაცია.

სკრინინგის განცხადებაში მხოლოდ აღნიშნულია: „საინჟინრო-გეოლოგიური
პირობების სირთულის მიხედვით ობიექტის ტერიტორია მიეკუთვნება I (მარტივ)
კატეგორიას. ობიექტი არ ხვდება სახელმწიფო ტყის ფონდის დაცული
ტერიტორიების, კულტურული მემკვიდრეობის ძეგლებთან სიახლოვეს, არც
ტერიტორიაზე, სადაც გაბატონებულია წითელი ნუსხით დაფარული
ხემცენარეები. რაც შეეხება საქმიანობის სხვა მახასიათებლებს (მაგ: ნარჩენების
წარმოქმნა, ხმაურის დონე და ა.შ.), აღნიშნული დამოკიდებულია სამუშაოების
წარმოების პროცესზე და წინასწარ **არ ვფლობთ ინფორმაციას, თუ რა სახის
ზემოქმედება შეიძლება მოახდინოს აღნიშნულმა საქმიანობამ გარემოზე**“.

¹ „4. საქმიანობის განმახორციელებლის მიერ სამინისტროსთვის წარდგენილი სკრინინგის
განცხადება, საქართველოს ზოგადი ადმინისტრაციული კოდექსის 78-ე მუხლით
გათვალისწინებული ინფორმაციის გარდა, უნდა მოიცავდეს:
ა) მოკლე ინფორმაციას დაგეგმილი საქმიანობის შესახებ;
ბ) ინფორმაციას დაგეგმილი საქმიანობის მახასიათებლების, განხორციელების ადგილისა
და შესაძლო ზემოქმედების ხასიათის შესახებ“.

თბილისი, 0179, საქართველო
ფალიაშვილის ქ. 39ბ, IV სართ.
ტელეფონი: (995 32) 22 38 74
ელ.ფოსტა: greenalt@greenalt.org
ვებ-გვერდი: www.greenalt.org

ვინაიდან, წიაღის ეროვნული სააგენტოს განმარტებით, ამ ეტაპზე მათთვის უცნობია ზემოქმედების ხასიათის შესახებ ინფორმაცია, მნიშვნელოვანია ჩატარდეს გარემოზე ზემოქმედების შეფასება, რომელიც სწორედ ამ ტიპის ინფორმაციის მოგროვებას, რისკების განსაზღვრას/შეფასებას და შესაბამისი შემარბილებელი ღონისძიებების დაგეგმვას ემსახურება.

2. სკრინინგის განცხადებაზე თანდართული გეოსაინფორმაციო პაკეტის თანახმად, ობიექტის ფართობი 551510 მ² (55,151ჰა)-ია; შესაბამისად, საქმიანობა შედის გარემოსდაცვითი შეფასების კოდექსის პირველი დანართით გათვალისწინებულ ჩამონათვალში (26. წიაღისეულის ღია კარიერული წესით მოპოვება, როდესაც მოპოვების ადგილის ზედაპირი 25 ჰექტარზე მეტია) და კოდექსის მე-5 მუხლის თანახმად, ექვემდებარება გარემოზე ზემოქმედების შეფასებას.